

Saksprotokoll i finansutvalet - 01.06.2021

Natalia Golis (MDG) stilte spørsmål om ho var inhabil fordi ho er kjæraste med Aslak Sverdrup, administrerende direktør ved Stiftinga Akvariet i Bergen som har ekstraordinær søknad knytt til saka.

Golis gjekk frå under vurderinga av spørsmålet om ho var inhabil. Finansutvalet vedtok samrøystes at Golis var inhabil etter forvaltningslova § 6 anna ledd på den delen av saka som går på behandling av dei ekstraordinære søknadene. Golis trådte frå under behandling av vedtakspunkt 5. Vara **Mark Taylor (MDG)** stilte i Golis sin plass under behandling av dette punkt. Det var 17 representantar til stades.

Aleksander Øren Heen (SP) sette på vegner av SP, A, MDG, SV, V, KRF fram slikt forslag:

(a) «Alternativ - Nytt punkt 5

5. Finansutvalet syner til mottekne søknadar, og vil koma attende til desse i neste møte.»

(b) «Alternativ - Nytt punkt 6

6. Finansutvalet viser til oppstilling med medlemskap for Vestland fylkeskommune, og ber om administrasjonen kjem med ei grunngjeven vurdering på kven av desse medlemskapa som bør avsluttast.»

Avrøysting

Fylkesrådmannen sitt forslag til vedtak punkt 1 vart samrøystes vedteke.

Fylkesrådmannen sitt forslag til vedtak punkt 2 vart samrøystes vedteke.

Fylkesrådmannen sitt forslag til vedtak punkt 3 vart samrøystes vedteke.

Fylkesrådmannen sitt forslag til vedtak punkt 4 vart samrøystes vedteke.

Øren Heen sitt forslag (a) vart samrøystes vedteke mot ingen røyster for fylkesrådmannen sitt forslag til vedtak punkt 5.

Øren Heen sitt forslag (b) vart samrøystes vedteke mot ingen røyster for fylkesrådmannen sitt forslag til vedtak punkt 6.

Fylkesrådmannen sitt forslag til vedtak punkt 7 vart samrøystes vedteke.

Fylkesrådmannen sitt forslag til vedtak punkt 8 vart samrøystes vedteke.

Vedtak

1. Finansutvalet tek orienteringane om kommande økonomiplanperiode til vitande;
 - Overordna rammer for drift og investering
 - Involvering hovudutval i ny økonomiplan
 - 2021 - utvikling så langt
 - Overordna økonomiske utfordringar i planperioden
2. Finansutvalet legg for den vidare budsjettprosessen til grunn presenterte investeringsrammer, og tilhøyrande finansiering.
3. Finansutvalet legg for den vidare budsjettprosessen til grunn oversyna som gjeld;
 - Frie inntekter; skatt/rammetilskot
 - Kapitalutgifter/-inntekter
 - Ulike andre inntekter
 - Lønsavsetjing og premieavvik
 - Overføring til investering
 - Utgreiingsområde
4. Finansutvalet legg for den vidare budsjettprosessen til grunn presentert oversyn for;
 - Innretting salderingsutfordring
 - Endra budsjettbehov kommande økonomiplan
 - Fordeling av salderingsutfordring 2022
 - Administrativt innsparingsprogram

5. Finansutvalet syner til mottekne søknadar, og vil koma attende til desse i neste møte.
6. Finansutvalet viser til oppstilling med medlemskap for Vestland fylkeskommune, og ber om administrasjonen kjem med ei grunngjeven vurdering på kven av desse medlemskapa som bør avsluttast.
7. Finansutvalet legg i den vidare budsjettprosessen til grunn presentert oversyn med rammereduksjonar pr. sektor som summerer seg til samla 220 mill. kr fordelt på 100 mill. kr i 2022, 70 mill. kr i 2023 og 50 mill. kr i 2024.
8. Finansutvalet legg i den vidare budsjettprosessen til grunn presentert oversyn for økonomiplanen til Vestland for 2022- 2025.